



Broj: 05-04-46108/25
Sarajevo, 16.9.2025. godine

Na osnovu člana 22. stav (2) Zakona o državnoj službi u Kantonu Sarajevo („Službene novine Kantona Sarajevo“, broj: 31/16, 45/19 i 6/2025), a u vezi sa članom 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), i člana 4. stav (1) Odluke o standardima i kriterijima za imenovanje lica koja nisu državni službenici u organima državne službe Kantona Sarajevo („Službene novine Kantona Sarajevo“, broj: 10/17) i Odluke o davanju saglasnosti Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo za raspisivanje javnog oglasa, broj 02-04-44422-19/25 od 04.09.2025. godine („Službene novine Kantona Sarajevo“, broj 36/2025), ministar komunalne privrede, infrastrukture, prostornog uređenja, građenja i zaštite okoliša Kantona Sarajevo raspisuje

JAVNI OGLAS
ZA IMENOVANJE NA POZICIJU DIREKTORA UPRAVE ZA
STAMBENA PITANJA U SASTAVU MINISTARSTVA KOMUNALNE PRIVREDE,
INFRASTRUKTURE, PROSTORNOG UREĐENJA, GRAĐENJA I ZAŠTITE OKOLIŠA
KANTONA SARAJEVO

1. Predmet javnog oglasa:

Oglašava se pozicija:

- **Direktor Uprave za stambena pitanja**

2. Opis pozicije direktora Uprave za stambena pitanja

Upravom za stambena pitanja Kantona Sarajevo (u daljem tekstu: Uprava) rukovodi direktor.

Direktor Uprave

- a) predstavlja i zastupa Upravu u granicama ovlaštenja koja su mu zakonom i drugim propisima stavljena u nadležnost;
- b) odlučuje o korištenju finansijskih i materijalnih sredstava za koje je nadležan i potpisuje prvostepena rješenja iz nadležnosti Uprave;
- c) čuva, rukuje i upotrebljava pečat Uprave po rješenju ministra;
- d) vrši izradu nacрта godišnjeg programa rada Uprave;
- e) vrši analizu i predlaže plan potrebnih finansijskih sredstava u Budžetu Kantona Sarajevo neophodnih za odvijanje programskih aktivnosti Uprave;



- f) vrši izradu mjesečnog i godišnjeg izvještaja o radu Uprave i godišnjeg izvještaja o upravnom rješavanju;
- g) vrši godišnje planiranje nabavke roba, usluga i radova od kojih zavisi obavljanje procesa u okviru Uprave.
- h) U obavljanju poslova obavezan je da vrši planiranje, organizovanje, vođenje i kontrolu sistema upravljanja kvalitetom usluga po zahtjevima Standarda ISO 9001 i obavezan je da primjenjuje i unapređuje Politiku sistema upravljanja kvalitetom, realizuje utvrđene ciljeve kvaliteta i primjenjuje sve usvojene procedure vezane za sistem upravljanja kvalitetom.

3. Opći uvjeti:

Za direktora Uprave može biti nominiran/imenovan kandidat koji ispunjava sljedeće opće uvjete i to:

- Da je državljanin Bosne i Hercegovine,
- Da je stariji od 18 godina,
- Da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa bolonjskog sistema studiranja,
- Da je zdravstveno sposoban za obavljanje određenih poslova predviđenih za tu poziciju,
- Da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
- Da se na tog kandidata ne odnosi član IX. 1. Ustava Bosne i Hercegovine.

4. Posebni uvjeti:

Kandidati koji se imenuju/nominiraju na poziciju direktora Uprave moraju ispunjavati sljedeće posebne uvjete, i to:

- Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja pravne ili upravne struke,
- najmanje pet godina radnog staža u struci nakon stjecanja tražene stručne spreme,
- poznavanje rada na računaru i
- da nije ranije osuđivan za krivično djelo.

5. Kandidovanje:

Svi kandidati koji budu stavljeni na listu sa užim izborom bit će pozvani na intervju pred Komisijom za izbor.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja i na uvid Komisiji za izbor pokazati ličnu kartu.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka („Službeni glasnik BiH“, 12/2025).

Na Odluku o imenovanju direktora Uprave zainteresovana stranka može podnijeti prigovor na konačno imenovanje u skladu sa Zakonom o ministarskim, vladinim i drugim imenovanjima Federacije Bosne i Hercegovine.

6. Sadržaj prijave i spisak potrebnih dokumenata:

Kandidati su dužni, uz prijavu koja sadrži kraću biografiju, adresu i kontakt-telefon, priložiti originalne dokumente ili ovjerene fotokopije dokumenata (ne starije od 6 mjeseci), kao dokaz o ispunjavanju općih i posebnih uvjeta traženih ovim oglasom i to:



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-086, Fax: + 387 (0) 33 562-177
 Web: <http://mkipgo.ks.gov.ba>,
 E-mail: mkipgo@mkipgo.ks.gov.ba

1. Uvjerenje o državljanstvu Bosne i Hercegovine,
2. Saglasnost (ovjerena izjava data kod nadležnog organa) da Ministarstvo po službenoj dužnosti može pribaviti uvjerenje da kandidat nije osuđivan za krivično djelo,
3. Diploma o završenoj školskoj spremi,
4. Potvrda o radnom stažu u struci (potpisana i ovjerena od strane poslodavca),
5. Uvjerenje ili ovjerena izjava data kod nadležnog organa kojom se potvrđuje da kandidat nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije,
6. Ovjerena izjava data kod nadležnog organa kojom kandidat potvrđuje da se na njega ne odnosi član IX. 1. Ustava Bosne i Hercegovine.

Prijave sa traženim dokumentima kao dokazom se dostavljaju lično ili poštom preporučeno, sa naznakom „**PRIJAVA NA JAVNI OGLAS ZA DIREKTORA UPRAVE ZA STAMBENA PITANJA - NE OTVARAJ**“.

Prijave se dostavljaju na sljedeću adresu:

**Ministarstvo komunalne privrede, infrastrukture, prostornog uređenja, građenja i zaštite
okoliša Kantona Sarajevo
Reisa Džemaludina Čauševića broj 1
71 000 Sarajevo.**

Oglas će biti objavljen u “Službenim novinama FBiH”, jednom dnevnom listu i na stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo www.mkipgo.ks.gov.ba.

Oglas ostaje otvoren **15 (petnaest)** dana od dana posljednjeg javnog objavljivanja.
Neblagovremene i nepotpune prijave neće se razmatrati.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

